

天尊願將付與世人讀誦以釋災禍

天尊曰善哉善哉誦之則百福來臻子孫榮慶終身顯達謗之殃及九祖禍延汝身於是天仙等眾即說讚曰

寂寂玄玄為人道 昏昏杳杳是凡愚

今朝得親天尊教 凡愚從此免嗔癡

說是頌畢諸天仙眾梓潼帝君再拜天顏作禮而退信受奉行

元始天尊說梓潼帝君應驗經

帝君聖號

混元內輔三清內宰大都督府都統三界陰兵行便宜事管天地水三界獄事收五嶽四瀆真形虎符龍券總諸天星曜判桂祿二籍上仙英顯元皇真人司祿職貢眾真君預編借飛仙列籍掌混天造化輪迴救苦無礙寶光純一天尊九天定元係生扶教開化主宰長樂永祐靈應大帝

元始天尊說梓潼帝君本願經

靈寶消劫正心開化章上品

爾時

元始天尊在清微天宮黃金闕內會諸天帝君與無極聖眾身主華寶座放大光明照諸世界觀諸眾生遭值劫運受無量苦惱宛轉塵寰輪迴生死慨爾嘆曰民哉民哉誰使而然哉是時有一具人名曰慈濟從法座起越班而出長跪道前白

天事言賤臣不德仰叨道蔭得離斯苦昨親玉皇尊帝檢校圖籙推定劫運初北陰黑然多自原屬及諸天魔王等眾下地人間與動兵戈流布瘟疫殺戮生民萬萬億數伴諸世人靡有遺類今觀眾生父子兄弟夫婦男女肝腦塗地號泣悲哀莫能相保繼以天災大行鬼現白晝間獲免彼終莫此逃未審此諸眾生曠劫以來造作修種何所違戾而復是報可不悲歎可不痛歎伏願慈悲示以未悟天事告曰此諸眾生自往劫來不敬三寶不孝父母邪淫貪愛姦詐嫉恨造種種罪惡日

熾月溘是故

玉帝論定劫運更變世人雖可悲痛亦其自取爾時慈濟真人暨諸聖眾各各稽首而白天尊言臣等即是思惟心大不忍感首蹙頰力不能救惟願天恩發慈悲心開方便路垂一金臂撲其焚溺庶使人道不至類絕臣等敢冒死謹言於是

天尊撫几高抗澄神默坐良久答曰運者蜀有大神號曰梓潼居昊天佐齊太乙之尊位高南極德被十方掌混元之輪迴司仕儀之桂祿考六籍事收五嶽形歷億千萬劫現九十餘化念念生民極用其情是以玉帝授之如意委行飛鸞開化人間顯跡天下蓋此末劫實未可除若欲消之此神其可吾當為汝等召之俾救度末世勿使類絕于時慈濟真人及諸天聖眾再拜禮謝復位於是天尊命持幢玉女向不驕樂天下之者三忽梓潼帝君擁五色雲霞之派自西北至雍容雅步再拜而前白

天事言今日吉慶與此法廷臣貪於行化以

至後會恭望天慈特賜原宥

天尊告曰夫民受天地中生自陰陽內化五行範體二氣結形而不知人身難得樂土難生乃貪婪姦詐莫知紀極以至劫運適逢兵戈競起疫癘流行水火焚漂悉皆由也今諸帝君天上下無極聖眾咸請於我願消此劫故特以界汝其勉之爾時梓潼帝君拜謝奉旨欲退

天尊重告曰帝于此諸末劫運數浩大汝今消之何道而可梓潼帝君復再拜而前白
天尊言臣自劫劫中萬火本身謫在蜀地兢兢惶惶懼不稱職方切思過乃誤天恩臣謹惟消除此劫先正人心為入子者訓之使孝為人臣者訓之使忠訓兄弟以友恭訓夫婦以和順訓居上者使待下以情訓治事者使處心以公率而行之或者可以少弭於是
天尊乃垂盼皆之容而稱嘆曰奇哉帝子憫念眾生說是因緣心得開悟若諸世人推行不已則可以消除劫難與國太平人享高壽物遂本性五穀豐熟歌謠滿路一或反之則

兵戈疫癘頻仍相藉橫尸遍野枯骨成山而人類絕矣子其勉之於是梓潼帝君拜謝復揮五色雲霞之蓋自西北而退爾時慈濟真人聞是說已歡喜踊躍即於座中以頌讚曰堪嗟爾眾生 姦詐復貪嗔 營營日滋熾 擾擾不知懲 致遭末世劫 人類將沉淪 於是元始尊 憫念諸有情 欲救末劫苦 爰命梓潼君 筆中顯三昧 秩秩先正心 塵迷能導引 福祿總來并

爾時慈濟真人說是頌已四眾歡喜異口同聲嘆未曾有

靈寶消劫正心靈應章中品

道言
元始天尊在玉華座上收斂光明澄神默坐瑤壁輝映真氣包絡鐘鼓畢奏神風交暢道意微容恬然如春一切金仙四眾八部幢幡寶蓋侍在側焉爾時元載孔昇天主濟沉拔罪具人東岱嶽府君各從座起長跪道前白
天尊言臣等往劫何修獲預法會親炙道語心竊欣感然臣等愚蒙聞是經說心雖歡喜

終竟未達切謂人心不正致罹此劫自非天尊垂大金臂放大光明展大神道勸諸巡世神祇各令復位則或者他道似為業急令大劫已至運難豐浩而九天開化方正人心巨恐其續伏望天慈示以未悟於是

天尊浩然長嘆而告諸真眾曰嗟乎汝等尚未達理之本耶夫人之生善性根焉孝悌鍾焉四端具焉五行範焉忠信旺焉和遜傳焉所謂人也非比草木禽獸之為類凡形肖人似皆一同之及世道淪降人心不古機巧姦偽貪妬亂種種不善踴躍為之是以見三實而不敬對三光而無禮呵風罵雨怨天尤地待父母如同路人視兄弟如見仇敵責人常評待已每怨見人有善者掩之不及則毀之無所不至見人有惡喜而慕之效之惟恐弗勝富貴者驕奢淫佚傲慢腎能洩瀆師長昂首闊步視貧賤如履草芥不知修種不行陰陽暴殄天物中市網利了不知止貪賤者誦說貪嗔怨答鬼神不知前世因果不能安貧守己邪淫偷盜犯干體終莫自悔是以

惡人滿世邪鬼橫行諛惠交進謗譎並興政
治乖舛人民困苦山川告置鬼神不寧怨氣
鬱結上薄太空世道至此寧得不變所以檢
校圖錄運合數周推此大劫日月薄蝕陰陽
乖戾魔鬼起世亂民迭興兵戈疫癘頻仍不
已命苟彼逃終不此免枯骨成山流血若水
殄滅人類勿使遺種若欲救之豈易為力吾
故命梓潼帝君開化九天飛鸞救世俾諸世
人洗心滌慮咸臻善道為子而能孝其親為
臣而能忠其君為兄弟而克友克敬為夫婦
而克和克順居上待下者必以情臨政處事
者必以公不貪不姦不偽習此不已化
成天下則鬼神欽仰天地寧謐老者可以得
壽少者可以得養國土可以清平五穀可以
豐熟末世可以返古豈惟末劫獨不消乎吾
若放光垂臂雖可救之然人心不正其何能
久故不若人心既正大劫自除諸惡世神祇
方欽仰畏避豈敢肆毒法等各宜諦心恭聽
勿生他慮於是元載孔昇天主濟沉拔罪具
人東嶽嶽府君皆歡喜作禮默然後位爾時

天尊復告四眾曰我今再剖因緣汝等各宜
諦聽人為萬物靈心為一身主沉沈靜靜不
愆不怨不雜以偽無慮無思發而為言溫和
慈讓發而為行中正端直其於親不期孝而
自孝其於君不期忠而自忠其於兄弟不期
友敬而自友敬其於夫婦不期和順而自和
順不厚責於人不徇物以私率性而行舉皆
中道何者容心故其國清平其人安泰其世
上古今末世凡人勉強遵守不遺不戾心
不退念念不忘其獲福亦可知是豈以大劫
待此而不消乎於是
天尊而說偈曰
靈哉一點 不擾不驚 無思無慮
至聰至明 天理昭著 善性根成
一雜以偽 五體摧頽 自然歸正
百福來奔 敬之慎之 大眾齊聽
於是
天尊說偈已諸天真衆無執神仙嶽嶽神祇
歡喜踴躍嘆未曾有
靈寶消劫正心報應章下品

爾時保和應化真人即於道前拜首而言曰
未審此經消劫之外有何功德伏望天尊為
四眾帝釋諸天神仙嶽嶽靈靈天上下及
未來一切眾生廣說利益於是
天尊告保和應化真人曰善哉若諸國王帝
主宰輔大臣奉持此經推充此道躬行不替
教化天下自然風淳俗厚政善人安五教豐
登萬物熙遂若諸世人平居無事至心沉慮
精加轉誦自然父母長壽子孫榮貴家道昌
隆身體康健凡有所求種種如願若復有人
或入山林或入江海遭遇惡風逢值毒獸但
能懺悔存念此經自然山神衛護河伯維持
猛獸自退風浪頓止若復有人或在軍陣或
遇冤家但懺悔存念此經自然惡人善解
凶器不逢終不害己安穩如常若有婦人或
臨產厄或求嗣息但懺悔存念此經自然
安穩平康主福德男女聰明智慧為人尊貴
若或有人為諸神廟轉誦此經是諸鬼神當
脫鬼趣轉增天福又有道士至人善男信女
開闢靜室更著新服畫

九天主宰真像香花燈果淨水供養滌去凡
思端心正坐持誦此經是其左右一切鬼神
等或有聞者即離鬼趣登證仙果一切餓鬼
等或有聞者脫飢渴苦受度南宮一切畜生
等或有聞者脫畜生苦復歸人道一切草木
承此經者已枯使榮轉更茂盛飛潛動植胎
卵濕化一切有情咸臻道化又此經所在及
持是經人當有十方飛天大聖救苦真人金
剛力士神仙兵馬金精猛獸無鞅數眾常來
擁護一切功德說不可盡於是保和應化真
人稽首白

天尊言此經功德眾咸聞之若諸世人或有
疑惑不信妄生誹謗不擇淨案便將安置不
持齋戒便將轉誦未審此諸罪輩當得何報
伏願

天尊再示未悟爾時

天尊言曰噫子今所叩豈不異乎此經功德
不可度量其報應亦不可具述若諸世人敬
持遵奉疑惑誹謗獲罪獲福各有輕重若廣
說之凡流邪見反啟疑貳我今說經止救末

劫世人疑信一聽自然性命禍福豈可戶曉
但願世人事親者當為心孝母為面孝事君
者當為心忠母為面忠處兄弟則當心友心
敬母面為友敬處夫婦當心和心順母面為
和順待下者母面似至情而心實不情臨事
者母面示至公而心實不公若能遵行此道
則雖疑惑誹謗猶信也若不能遵守此道則
雖齋戒敬誦猶不信也善者積善惡者積惡
積之既久天地神臨之質之禍之福之皆自
然也吾何言哉於是保和應化真人及諸天
仙眾同聲稱讚而說偈曰

大哉渺渺玉星中 推較何源俱此切
殺教生民億億眾 頂禮至尊難可說
於是天尊發慈悲 九天開化普俱雪
但教心地長清淨 疑信從教眾生竭

我今稽首悉辭尊 萬萬生靈母誑滅

爾時保和應化真人暨諸仙眾說是偈已稽
首天顏作愷而退信受奉行

誦經已畢洗心長跪休先懺悔
七曲慈尊真教主 慈父慈母同我生

子生聖子皆孝慈 孫繼神孫盡慈孝
一家和氣天無盡 萬世春臺月有光
慈光普照諸天人 細入微塵滿天地
我生罔得乾坤體 一似文昌始劫時
聖非自聖凡自凡 流浪至今方覺悟

願尊七曲慈尊教 惟忠惟孝惟慈心
不以口業傲神人 不以身業累父母
不以意業欺天地 不以心業禍子孫
願從孝行與陰功 種種力行諸方便
懺悔多生諸罪垢 皈依七曲大慈光

求嗣求祿求生方 不求諸人求諸己
惟我文昌七曲師 歷劫待人存恕法
願放一種如意光 憫念眾生真懺悔
懺悔已周次當發願

父母願同長壽果 龜齡鶴髮昧慈光
已身願拜大吉祥 仰事俯育無苦惱
子孫願喚雲巖柱 嘉與子孫同發榮
父慈子孝一家春 光明無負慈尊教
願蒙七曲親提接 指引登真入聖門
捨生受生正徧知 盡未來世俱圓滿

發願已周次賞贊頌

桂香殿上惹慈主 教海同流洗業根
業根化作桂花香 善本種成長壽果
一家骨肉無煩惱 七曲子孫同護持
普願今世至來生 紫雲巖前長得道
步步心心帝左右 生生世世天主張
骨凡可換形可灰 一點真心自金石

禮訖隨意答祝回向

元始天尊說梓潼帝君本願經

三經同表

元始八威龍文經

黃帝陰符經

混元陽符經

是元

元始八威龍文經

第一

不得而名道之初可得而形道之餘知初者
合元始之祖知餘者契陰陽之樞混而一之
可與天地符

第二

混沌之初中含太虛玄玄之不可測妙妙之
何以元肇判之已餘恍惚有真中之居

第三

谷虛神之存出入于生死之門修之煉之可
不動係之慎之以固根

第四

玄牝之合和其炁交其神以成其子身安得
就疎而棄親得不捨妄而從真知造化之津
可以化吾之民天降地升環之以日月發之

以雷霆誰測機緘之運行不言可以利羣生
斯其用以公天下之情

第五

恍惚惚惚火中生神杳杳冥冥水中生精大
炎於上七返生神水流就下六居生精神會
精以通天地之靈

第六

聞交響者損其虛視美色者奪其精知者逆
之以神不順于情可以守而不更全汝形抱
汝生母使爾思慮營營思慮營營則忘汝形
勞汝生可不慎于真以存其誠陽動陰靜上
下應而成萬物之靈靜不動而何以生動不
靜而何以寧剛柔相兼不為而成

第七

虛而不實所以火生靜而不動所以水清知
此道者性定可以通吾之神心寧可以使吾
炁之流行大哉言之明人之守身不若守神
以神會炁以炁合真是謂至人猶子母不離
其親

第八